

OHR poziva Parlament FBiH da riješi problem zakašnjelih imenovanja

OHR poziva Parlament Federacije Bosne i Hercegovine da žurno usvoji predložene izmjene i dopune Zakona o ministarskim, vladinim i drugim imenovanjima FBiH. Izmjene i dopune koje je usvojila Vlada FBiH 23. oktobra 2013. godine nalaze se na dnevnom redu sutrašnje sjednice Zastupničkog doma FBiH.

Politički direktori Upravnog odbora Vijeća za provedbu mira svojim komuniqueom od 5. decembra 2013. također su pozvali vlasti FBiH da usvoje izmjene i dopune Zakona o ministarskim, vladinim i drugim imenovanjima kako bi se osigurala institucionalna stabilnost.

Predloženim izmjenama i dopunama nudi se sveobuhvatno i sistematsko rješenje problema zakašnjelih imenovanja u BiH i ispunjavaju se jasne obaveze koje su preuzele nadležne vlasti u BiH prema MMF-u, kako bi se osigurala stabilnost Komisije za vrijednosne papire FBiH i drugih institucija FBiH.

Potvrđujući princip kontinuiteta mandata, izmjene i dopune omogućuju institucijama od javnog interesa da funkcioniraju i ispunjavaju zakonske obaveze prema građanima čak i kada dođe do blokade imenovanja u te institucije. Paralelno uvođenje mehanizma za razbijanje blokada, sa striktnim rokovima, osiguralo bi da vršitelji dužnosti u tehničkom mandatu ne ostaju vječno na toj dužnosti.